



金剛頂瑜伽金剛薩埵五祕密修行念誦儀軌  
無量壽如來修觀行供養儀軌

唐三藏沙門大廣智不空奉

詔譯



清刻龍藏佛說法變相圖

二儀軌同卷

卷五

金剛頂瑜伽金剛薩埵五祕密修行念誦儀軌

無量壽如來修觀行供養儀軌

金剛頂瑜伽金剛薩埵五祕密修行念誦儀軌

卷五

唐三藏沙門大廣智不空奉 詔譯

如金剛頂經百千頌十八會瑜伽演頓證如  
來內功德祕要夫修行菩薩道證成無上菩  
提者利益安樂一切有情以為妙道一切有  
情沈沒流轉五趣三界若不入五部五密曼  
荼羅不受三種祕密加持自有漏三業身能  
度無邊有情無有是處五趣有情三界所攝  
所謂欲界色界無色界色界無色界修行出三

界道別解脫定慧以為增上緣其上二界由  
定地所攝故欲界無禪是散善地設有修定  
軌則仍假藉頭陀苦行依七方便由根羸劣  
無學緣覺果尚自難成何況十地大普賢地  
及成毗盧遮那三身普光地位二乘之人雖  
證道果不能於無邊有情為作利益安樂於  
顯教修行者久經三大無數劫然後證成無  
上菩提於其中間十進九退或證七地以所  
集福德智慧迴聲聞緣覺道果仍不能證無  
上菩提若依毗盧遮那佛自受用身所說內  
證自覺聖智法及大普賢金剛薩埵地受用  
身智則於現生遇逢曼荼羅闍黎得入曼荼  
羅為具足羯磨以普賢三摩地引入金剛薩  
埵入其身中由加持威德力故於須臾頃當  
證無量三昧耶無量陀羅尼門以不思議法

能變易弟子俱生我執法執種子應時集得  
身中一大阿僧祇劫所集福德智慧則為生  
在佛家其人從一切如來心生從佛口生從  
佛法生從法化生得佛法財法財謂三寶緣  
菩提心教法見曼荼羅能須臾頃淨信以歡喜心瞻觀故  
則於阿賴耶識中種金剛界種子具受灌頂  
受職金剛名號從此已後受得廣大甚深不  
思議法超越二乘十地此大金剛薩埵五密  
瑜伽法門於四時行住坐卧四威儀之中無  
間作意修習於見聞覺知境界人法二空執  
悉皆平等現生證得初地漸次昇進由修五  
密於涅槃生死不染不著於無邊五趣生死  
廣作利樂分身百億遊諸趣中成熟有情令  
證金剛薩埵位瑜伽者在閑靜山林或於精  
室或隨所樂之處當禮四方如來以身供養

誦本真言由捨身故則捨三業有漏之體則  
成受三世無礙律儀戒次於空中想一切諸  
佛菩薩衆會然後右膝著地結金剛起印誦  
其真言心當思惟令一切如來不應貪現法  
樂住惟願哀愍不越本誓加持覆護當對聖  
衆發露懺悔隨喜勸請復發五種大願則結  
金剛薩埵加誦以右脚壓左當結定印誦無  
上正等菩提心真言曰

唵薩嚩瑜誡質多母怛跋<sub>合</sub>娜野<sub>引</sub>弭

由誦此真言故一切如來令瑜伽者獲得不

退轉能摧一切魔冤是人等同大菩薩及諸

如來瑜伽者作是思惟我應發金剛薩埵大

勇猛心一切有情具如來藏性普賢菩薩徧

一切有情故我令一切衆生證得金剛薩埵

位

又作是思惟一切有情金剛藏性未來必獲  
金剛灌頂故我令一切有情速得大菩薩灌  
頂地證得虛空藏菩薩位

又作是思惟一切有情法藏性能轉一切語  
言故我令一切衆生得聞一切大乘修多羅  
藏證得觀自在菩薩位

又作是思惟一切有情羯磨藏性善能成辦  
一切事業故我令一切衆生於諸如來所作  
廣大供養證得毗首羯磨菩薩位

又作是思惟一切有情既具四種藏性獲得  
四大菩薩之身以我功德力如來加持力及  
以法界力願一切有情速證清淨毗盧遮那  
佛身真言曰

唵薩嚩怛他<sub>引</sub>誡多喬斯多薩嚩薩怛嚩<sub>合</sub>  
南薩嚩悉默樂三波你演<sub>合</sub>耽但佉<sub>引</sub>孽多

失者<sub>合地底瑟姹合耽</sub>

即結金剛合掌印

二手掌合十指相交右押左誦真言曰

唵嚩日囉<sub>合二惹里</sub>

由結此印故十波羅蜜圓滿成就福德智慧

二種資糧

次結金剛縛印

準前金剛合掌便外相又作拳誦真言曰

唵嚩日囉<sub>合二滿默</sub>

由結此印即成金剛解脫智

次以金剛縛<sub>兼五</sub>二指自心誦真言曰

唵嚩日囉<sub>合二滿默怛囉合二吒半聲</sub>

由結此印故能摧身心所覆蔽十種煩惱則

召一切印處在身心隨順行者成辦衆事一

切印者所謂大智印三昧耶智印法智印羯

磨智印

次結金剛阿尾捨印

二羽金剛縛屈禪智各置戒方間誦真言曰

唵嚩日囉<sub>合二阿尾捨惡</sub>

由結此印令四智印發揮有大威力速得成

就

次結金剛承三昧耶印

準前印進力捻禪智背真言曰

唵嚩日囉<sub>合二母瑟置合二捨</sub>

由結此印能縛堅固一切印<sub>是一切印者</sub>常於

行者身心之中而不散失

次結三昧耶印

二手金剛縛合豎忍願安於當心誦真言曰

三摩耶娑怛梵<sub>合三</sub>

由結契印誦真言已於背後想有月輪以爲

圓光身處在其中想金剛薩埵由結此印及誦真言故大智印等一切部中所結一切印一切如來身口意金剛印功不虛棄無敢違越若誦一千徧結一切印皆得成就

次結大三昧耶真實印

二羽金剛縛忍願入掌相交合檀慧禪智面相合如獨股金剛杵以忍願觸於心上誦真言曰

娑麼耶斛蘇囉多娑怛梵<sup>三</sup>合

由結此印觸心故金剛薩埵徧入身心速與成就意欲希望諸願皆得

次結金剛薩埵大智印

即解次前印二羽各作金剛拳左手置於膺右手調擲金剛杵勢置作心上右脚押左誦真言曰

嚩日囉<sup>二</sup>薩怛舞<sup>二</sup>合

誦已想自身為金剛薩埵處大月輪坐大蓮華五佛寶冠容貌熙怡身如月色內外明徹生大悲愍拔濟無盡無餘衆生界令得金剛薩埵身三密齊運量同虛空

由持瑜伽大智印相應故設若越法具造重罪并作諸障持彼大智印故一切供養恭敬若有人禮拜供養尊重讚歎者則同見一切如來及金剛薩埵當住此智印則於身前想金剛薩埵智身如自身觀以四印圍遶同一月輪同一蓮華各住本威儀執持標記各戴五佛寶冠瑜伽者專注身前金剛薩埵心不散動即誦真言曰

嚩日囉<sup>二</sup>薩怛縛<sup>二</sup>惡<sup>二</sup>合

由誦此真言故金剛薩埵當阿尾捨顯現誦

眞言曰

縛日囉

合薩怛縛合涅槃合捨

由誦此眞言故令定中見金剛薩埵了了分

明即誦四字眞言

弱吽鍍斛引

由誦此眞言故金剛薩埵智身令召令入令

縛今喜與瑜伽者定身交合一體

次結素囉多印

二羽金剛縛右智入左虎口中乃於心額喉

頂四處加持各誦眞言一遍眞言曰

蘇囉多薩怛梵

合三

由結印加持故四波羅蜜身各住本位常恒

護持

次結五佛寶冠印

二羽金剛縛忍願並堅合屈上節如劍形進

力附著忍願背以印置於頂上次置髮際次

置頂右次置頂後次置頂左各誦眞言一遍

眞言曰

唵薩縛怛他

引孽多囉怛曩合

阿毗曬迦阿

由結此印故獲得一切如來金剛薩埵灌頂

位

次結金剛鬘印

二羽金剛拳額前相遠結二羽分腦後又結

便從檀慧徐徐開如垂冠繒帛誦眞言曰

唵縛日囉

合麼引羅引

阿毗訖者滿給即結

甲冑印徧身揲甲

次結歡喜印

二羽平掌拍令歡喜誦眞言曰

縛日囉

合觀史也合斛引

次結前金剛薩埵大智印誦根本眞言曰

唵摩訶素佉縛日囉合二薩怛縛合二弱吽鑊斛

引素囉多薩怛梵合二

次應結四祕密羯磨印即誦金剛歌讚此讚  
四句每結一印當誦一句讚曰

薩縛弩囉誡素佉薩怛摩合二曩娑怛網合二縛

日囉合二薩怛縛合二跋囉莫素囉多入娑縛合二

冥摩訶引素佉涅哩合二住掣野諾合三鉢囉合二

底跋鞞切悉地者擺虞鉢曩多

次作欲金剛印

二羽金剛拳左羽想執弓右羽持箭如射勢

即成此尊印身稱眞言曰

薩縛引弩囉引誡素佉薩怛摩合三曩娑

次結計里計羅印

準前印二拳交抱於脅即成此尊印身誦眞

言曰

薩怛鑊合二縛日囉合二薩怛縛合二跋囉莫素囉

多入

次結愛金剛印

準前二金剛拳左拳承右肘豎右臂如幢勢

即成此尊印身誦眞言曰

薩縛冥摩訶引素佉涅哩合二住掣野諾入

次結金剛慢印

二金剛拳各安胯向左少傾頭如禮勢即成

此尊印身誦眞言曰

跋鞞切悉地也合二左擺虞鉢曩多入

次結五祕密三昧耶印

即結金剛薩埵三昧耶印作金剛縛屈忍願

入掌相合如前禪智檀慧各相挂如獨股金

剛杵誦眞言曰

素囉多薩怛梵合三

由結此印誦真言故神通壽命威力相好等  
同金剛薩埵

次結欲金剛三昧耶印

準前印屈進力上節甲背相合以禪智並押  
其上誦真言曰

弱縛日囉

合二涅哩合二瑟知合二娑野計麼吒

由結此印故能斷細無明住地煩惱即結計  
里計羅三昧耶印準前印右智押禪相交誦  
真言曰

吽縛日囉

合二計里吉麗吽

由結此印故能拔濟護持一切受苦衆生界

皆獲大安樂三摩地

次結愛金剛三昧耶印

準前印進力互相握忍願進力並合如眼勢  
豎戒方相合檀慧亦然誦真言曰

鍤縛日哩

合二握娑摩合二囉囉吒

由結此印故獲得大悲解脫憐愍一切有情  
猶如一子皆起拔濟安樂之心

次結金剛慢三昧耶印

用次前印觸其二股先右次左誦真言曰

斛

縛日囉合二迦冥濕縛合二哩怛覽引

由結此印故獲得大精進波羅蜜剎那能於  
無邊世界一切如來所作廣大供養

次結金剛薩埵三昧耶印誦大乘現證百字

真言

唵縛日囉

合二薩怛縛合二三麼耶麼弩播引

野縛日囉

合二薩怛縛合二底尾合二弩波底瑟姹

合二涅哩合二住切

護弭娑縛素觀史喻合二冥婆

縛阿弩囉訖觀

合二冥婆縛素補史喻合二冥婆

縛薩縛悉朕冥鉢囉

合二也嗟薩縛迦麼素左

冥質多室喇

合二藥句

嚕吽呵呵呵斛婆誡

梵薩縛怛佉

引孽多縛日囉

合二麼弭悶左縛

日哩

合二婆縛摩訶

引三麼耶薩怛縛

合二惡

即入金剛薩埵三摩地并結大智印誦大乘

現證金剛薩埵真言曰

縛日囉

合二薩怛縛

合二

或住大智印或持數珠無限念誦勿令疲頓

由住三摩地誦此真言故現世證得無量三

摩地亦能成本尊之身一切如來現前證得

五神通遊歷十方一切世界廣作無邊有情

利益安樂等事

第五

瑜伽者行住坐臥常以四眷屬而自圍遶處

大蓮華同一月輪金剛薩埵者是普賢菩薩

即一切如來長子是一切如來菩提心是一

切如來祖師是故一切如來禮敬金剛薩埵

如經所說金剛薩埵三摩地名爲一切諸佛

法此法能成諸佛道若離此更別無有佛欲

知金剛者名爲般若波羅蜜能通達一切佛

無滯無礙猶如金剛能出生諸佛

金剛計里計羅者是虛空藏三摩地與無邊

衆生安樂拯拔無邊衆生溺貧匱泥者所求

世出世間希願皆令滿足

愛金剛者是多羅菩薩住大悲解脫愍念無

邊受苦有情常懷濟拔施與安樂

慢金剛者是大精進波羅蜜住無礙解脫於

無邊如來廣作佛事及作衆生利益

欲金剛持金剛弓箭射阿賴邪識中一切有

漏種子成大圓鏡智金剛計里計羅抱金剛

薩埵者表淨第七識妄執第八識爲我癡我

見我慢我愛成平等性智

金剛薩埵住大智印者從金剛界至金剛鈴  
菩薩以三十七智成自受用他受用果德身  
愛金剛者持摩竭幢能淨意識緣慮於淨染  
有漏心成妙觀察智

金剛慢者以二金剛拳置膝表淨五識質礙  
身起大勤勇盡無餘有情皆頓令成佛能淨  
五識身成所作智

欲金剛者是慧眼觀察於染淨分依他性智  
一切法非有非無金剛計里計羅者以無染  
智觀染智觀察淨分依他與果德中圓成不  
即不異知一切法與菩提涅槃不即不異  
金剛薩埵者是自性身不生不滅量同虛空  
則是徧法界身

愛金剛者以大悲天眼觀見一切有情身中  
普賢體不增不減

金剛慢者以清淨無礙肉眼眼觀一切有情處  
在異生位雖塵勞覆蔽本性清淨若與大精  
進相應即得離垢清淨

金剛薩埵者是毗盧遮那佛身欲金剛是金  
剛波羅蜜計里計羅是寶波羅蜜金剛愛是  
法波羅蜜金剛慢是羯磨波羅蜜金剛薩埵  
者即彼薄伽梵阿閼如來欲金剛者即是金  
剛薩埵計里計羅者即是金剛王愛金剛者  
即是金剛愛金剛慢者即是金剛善哉金剛  
薩埵者即彼薄伽梵寶生如來欲金剛者即  
是金剛寶計里計羅者即是金剛日愛金剛  
者即是金剛幢金剛慢者即是金剛笑金剛  
薩埵者即彼薄伽梵觀自在王如來欲金剛  
者即是金剛法計里計羅者即是金剛利愛  
金剛者即是金剛因金剛慢者即是金剛語

卷五

十二

金剛薩埵者即彼薄伽梵不空成就如來欲  
金剛者即是金剛業計里計羅者即是金剛  
護愛金剛者即是金剛藥叉金剛慢者即是  
金剛拳內四供養者即彼四眷屬外四供養  
者亦彼四眷屬

欲金剛以菩提心箭鉤召一切有情安置佛  
道計里計羅抱印爲大方便金剛乘令證不  
染智以愛金剛摩竭幢爲大悲金剛鎖經無  
量劫處於生死心不移易度一切衆生以爲  
其道金剛慢者以大精進爲般若金剛鈴警  
悟在無明窟宅隨眠有情

普賢曼荼羅不離五身降三世曼荼羅即同  
金剛界蓮華部徧調伏曼荼羅依此例之寶  
部一切義成就亦同此說

金剛薩埵五密爲如來部即是金剛部即是

蓮華部即是寶部五身同一大蓮華者爲大  
悲義同一月輪圓光者爲大智義是故菩薩  
由大智故不染生死由大悲故不住涅槃如  
經所說有三種薩埵所謂愚薩埵智薩埵金  
剛薩埵以金剛薩埵簡其二種薩埵修行得  
此金剛乘人即名金剛薩埵是故菩薩勝慧  
者乃至盡生死恒作衆生利而不趣涅槃以  
何等法能得如此是故般若及方便智度所  
加持諸法及諸有一切皆清淨諸法及諸有  
名爲人法二執是故欲等調世間令得淨除  
故有頂及惡趣調伏盡諸有由住虛空藏三  
摩地於人法二執皆悟平等清淨猶如蓮華  
是故如蓮性清淨本不爲垢所染諸欲亦然  
不染利羣生者作安樂利益事居大自在位  
是故大欲得清淨大安樂富饒三界得自在

能作堅固利益者菩提心爲因因有二種度  
無邊衆生爲因無上菩提爲果復大悲爲根  
兼住大悲心二乘境界風所不能動搖皆由  
大方便方便者三密金剛以爲增上緣能證  
毗盧遮那清淨三身果位

金剛頂瑜伽金剛薩埵五祕密修行念誦儀  
軌